

皇清文穎續編

皇清文穎續編卷八十九

詩

七言律詩

恭和

御製題文津閣元韻

阮葵生

茫茫學海思津逮難覓仙槎派九淵古籍由來譌豕
亥叢編詎解別烏焉鼎嘗一鑿寧知味粒舐餘丹也
欲仙朽質漫容窺

寶笈力田今得慶逢年

恭和

御製命弄新疆呈樣錢文仍疊庚辰命儒臣排次回

部錢文詩韻元韻

董誥

二萬恢疆習

武功卅年泉貨久流通西蒙則壤遵成式都護馳函
表會同克定正須鎔冶力安全直納范模中一匳排

次重

賡詠德致常欽

聖勅躬

恭和

御製仲春朔日福康安奏生擒逆首林爽文捷音至
於重華宮茶宴廷臣及內廷翰林因以平定臺灣

聯句并成四律元韻

德保

天上

奎章珠玉拋快傳閩嶠奠桑苞出謀不待參羣策制

勝何須演易爻
貔虎疾如雲
外電鯨鯢咸作橐中肴
誰言萬里重洋隔浩蕩

皇仁六合包

羣鼠緣臺方渴鬪致勞

宵旰軫巖疆
軍中借箸邊籌豫
閩外臨戎

訓語詳

聖主訐謨垂典冊
上公勲績勒旂常
遙知戰艦揚帆日
萬頃波濤靜不狂

聖朝一統涵濡久自外生成實自欺密運雷霆仁不
殺高懸日月照無私

恩周窮島騰歡頌春滿遐荒泯怨咨千羽兩階傳
舜德豐功今古得同之

士氣鷹揚本軼倫同袍踴躍忘艱辛羽書計日來千
里豹畧先幾奉

一人奏捷欣披芝檢瑞臚歡同近玉階塵功成歸善推
蒼昊共識

宸衷夙夜寅

恭和

御製賜凱旋將軍福康安參贊海蘭察等宴卽席成

什元韻

戴衢亨

喜聞閩海動歸程萬里銑歌夾路迎今日頒筵宜宴
凱昨年

籌筆此掄英

恩叨行殿風雲會令肅炎疆日月明瀛嶠卽今咸

化宇款關阿瓦况輸誠

伏波橫海古何慙荒徼今成沃土廿七德銘功非耀
武六廉弊吏首懲貪買刀已見荏苒淨比屋從知耒
耜堪共慶年豐儲蔗美萬家衣食足天南

約法分明邁漢條封圻中畫界逾遙鴻勲耆定人安
堵上將歸來讌詰朝彩筆新瞻圖像偉太官初飫
賜醕饒采薇杖杜歌詩在

聖代酬庸典倍昭

紀績實官

鉅製光更看

奎藻冠霞莊軍諮

廟畧區無外番社民愚願悉償伐石文垂雲漢倬止

戈聲共海天長

大君謙德超前載

聖敬孜孜勵日強

恭和

御製出古北口元韻

譚尙忠

秦時城與漢時關
埤現今存想像
間讓水不徒經費
省無征一任賈人還
炊煙紫塞千家起
沃壤青塍四面環
最是

蹕途饒勝景
又添新沐幾重山

恭和

御製出古北口元韻

紀昀

黃圖東北連松漠
此地檀州有故關
留幹嶺橫千仞

上多延衛指萬峯間呼韓已隸藩封久徐達何勞版
築艱歲歲

時巡度

清蹕好山無數好雲間

恭和

御製出古北口元韻

王昶

驛路四程通古塞邊垣幾折傍嚴關奇看雲起千峯
外爽在風生萬馬間此日趨塗誇詡蕩昔時重閉尙

辛艱詰戎柔遠紆

宸念莫謂憑高野興閑

恭和

御製至避暑山莊卽事得句元韻
董誥

翠罕初停悅

聖情纖雲不向馬頭生如期仍霽三更雨快意剛逢
一路晴
賢校菁莪呈樂育
阪田禾黍兆豐盈
炎藩卽
日稽庭至朔漢西濛

慶資并

恭和

御製西峪元韻

王昶

澗卉巖葩護石鱗
綠陰長夏尙如春
翔空幽鳥皆知樂
閱古喬柯不記旬
風動南薰先解愠
雨餘西峪早清塵

對時端爲覘元化
詎是

宸游賞玩頻

恭和

御製題秀起堂元韻

董誥

蔚然深秀起巖堂面面芙蓉景勝常
雲牖烟扉披活畫鹿呦鶴唳叶清商
漾疏花氣籠朝靄入鏡泉聲寫夕涼

茂對不忘無逸戒時厯柔遠問懷方

恭和

御製清閼閣賞荷元韻

董誥

謝家詩格雲林畫佳景全收到

玉除几淨窗明仍野屋風清月白最新藁卽論邱壑
原超彼漫憶芳菲欲襲予塞北江南參合相孔顏樂
處

聖如如

恭和

御製補詠安南戰圖六律元韻

劉躍雲

嘉觀訶訏之戰

啟關來告惻孤煢義動

天朝遂有征兩路合籌初入阻萬人纔足詎佳兵望
風早見投戈順破竹都應解又迎士飽馬騰先作氣
從知膽落鼓鼙聲

三異柱右之戰

反側寧知禍福門兩端首鼠忘銜

恩擒渠犄角爲陸網殲賊因糧不擾邨恃有成謀能
致果到來窮寇竟難奔

天章紀實深嘉與中有名臣幾葉孫

壽昌江之戰

摧堅奪隘已亡虜猶覬重江隔遠津霧擁神兵如有
助筏通天塹竟何垠斷流難設千尋鎖飛渡無煩一
輦輪同是世臣同戮力酬

恩兼欲慰先人

市球江之戰

指示機宜腹背攻軍籌萬里喜能同帳前刁斗聲初

靜天上將軍膽自雄
卻詞下游知失備
翻從彼岸計
成功憑高屯聚
歸無益爲撥根株有蘊崇

富良江之戰

涉險先登將畧良
重門無阻到堂皇
毀巢未易籌初
定歸國深期卜
永臧風鶴驚魂難與守
邊疆効命自
垂芳
靈祠共讐餘威播
褒爵長延奕世祥

阮惠遣姪阮光顯入覲賜宴之圖

宣

威無事詰戎兵悔罪旋邀

鑒悃誠恰喜中秋當

聖節得陪嘉會祝

麻禎

道因柔遠寬其往境比登仙慶此行印綬捧來看抃
舞丹青更與繪光榮

恭和

御製新封安南國王阮光平遣陪臣進貢並稱明年
三月起程入覲詩以誌事適唐張謂戲贈杜侍御
送貢物詩在側卽用其韻元韻 董誥
不戰歸誠古所難

德昭底貢值

禋壇皇華先授新駝印夷目俄除大帛冠忱

鑒篚篚仍

眷渥躬趨

殿陛敢盟寒朔從立國丁陳始可有

天章疊次看

恭和

御製題敞晴齋元韻

法式善

排空玉筍翠微間風洗雲根互往還
荷渚香疎紅錯落柏林花郁碧孱顏
壺中日月紆徐度天上林巒次第攀
九有兩暘占順序

聖心猶自恤民艱

恭和

御製文園獅子林元韻

法式善

蓬萊蹊徑倣迂倪畫卷因緣試與稽
雨潤書堂微肅若風清琴殿奏薰兮
禽魚已久承

天眷草木應多入

御題非是

摘華怡景物乾乾

聖敬日同躋

恭和

御製登四面雲山亭子元韻

法式善

雲山

題額憶

躬親

登眺頻年感夙因水墨一簾皴似畫芙蓉萬朶立如
人日暄花氣秋林靜風掃烟痕石壁新彌望都關
宵旰計入紘同闡

聖心寅

恭和

御製安南國王阮光平至避暑山莊陛見詩以賜之

元韻

王杰

羣蕃世衛奉

秋巡

嘉汝瀛壖入

覲親積悃自申新造國上儀胥協遠徠人慶邀

皇清之業續編
卷之六
十一
渥典蕭承惠

資編陪臣菽咏仁

天子萬年頌

聖藻光華榮照日南春

恭和

御製題宋人山水圖幀元韻

畢沅

九百年來機上素琳瑯

御筆快吟哦標題卷軸欣邀

賞組織丹青定不磨
瀑水分流千尺迴
冰紋斜界一方過
從知韋布霑

恩重應附

西清備格多

恭和

御製曉行一律元韻

達椿

六龍夙駕闋修途
官道民莊景各殊
羽衛千重臨玉塞
鸞聲一路戒金吾
林間煙火疑烘染
空外峯巒幻

有無帶露新苗誰助長瞻

雲兆姓共心蘇

恭和

御製曉行一律元韻

吳省欽

星垂露重戒修途靈雨桑田景物殊松樹鱗而如九
老雲山欵乃似三吾敏徵地道豐斯屢

健協天行倦本無多少邨農來就

日蓬門初旭晃流蘇

恭和

御製出古北口元韻

董誥

三輔檀州近

帝廷翊翊留幹溯圖經萬斯年共安耕鑿卅九旗如
達戶庭斷續關雲籠樹白沿洄野豹抱塍青邊氓歲
歲迎

清蹕長樂恬熙老復丁

恭和

御製題秀起堂元韻

董誥

巖深時有雲光起
堂迴曾無暑氣過
秀色三壺延不盡
浮嵐一幘較如何
乍收宿雨添生翠
似覺清風答靜哦
琴筑泠泠聞澗奏
超然趣入

睿篇多

恭和

御製曉行元韻

初彭齡

晨陽初上曉嵐收
遙望

鑾輿瑞氣浮塞嶺如屏依北拱潮河似帶逼南流千
行樹色盈眸翠四野春聲入耳稠如此豐年民事豫
皇心猶未遽忘憂

恭和

御製戒得堂疊去歲韻元韻

董誥

迴帶虹蜺軼雨晴巖堂苞茂暢

皇情

芝雲敬聞

心從矩寶翰重申

聖戒盈

四得有基昭大德

十全膺

貺助祖征屢豐綏萬梯航集

耄念時猶慎顧名

恭和

御製郊臺元韻

董誥

蒲海蓬婆績紀隆
洗兵西舉

策元功
蠱旋貔虎郊臺迴
碣護風雲

聖藻雄

四得念徵惟耀德

十全膺

貺益持躬內安外靖如春世猶是

勤民未釋忡

恭和

御製出古北口閱稼喜而有作元韻 董誥

喜洽

宸襟萬衆知地生端賴自

天施關雲帶雨春來足塞隴含膏穀有滋餅餌馨香
豐樂景雞豚閒靜太平時螭螭留幹年年過鳬藻羣
依

豹尾馳

恭和

御製至避暑山莊卽事元韻

董誥

神臯夜雨快朝晴
里記由旬拂曙行
覲

蹕先來修歲事

那居最好暢

天情子衿列序司
賢率亥字書年溢
道迎

芝蓋琴麗闔闔啟
日華

璇榜共騰晶

恭和

御製題文津閣元韻

董誥

琅編上塞久觀成

芸閣光分太乙精

大業舉原需事會

聖皇學本異經生望洋孰弗求津逮掃葉空慚奉

訓行已見俊髦烝雅化煥文

壽世倬章誠

恭和

御製秀起堂元韻

成書

萬化從

心事事宜甘霖非早亦非遲輕雷未隱晴雲漾杲日
初臨宿霧披禾黍迎風青晻靄溝塍如繡碧參差欲
知

宵旰勤民意試看山堂覓句時

恭和

御製祀竈日作元韻

吳省蘭

臘鼓聲聲報歲寧黃羊展祀答

神靈由庚先得春三日週甲還增

壽億齡徵典漫傳盛盞禮談經應笑倚觚聽棣通氣
送

堯時早厨蕙紛粍葉葉青

恭和

御製祀竈日作元韻

王綬

典從咸秩愜

求寧饕餮修儀協百靈舉世善祥神報最惟

天純佑

帝延齡香煙曉待春旂發爆竹宵隨臘鼓聽獻歲還
循司燿令燧鑽榆柳色宜青

恭和

御製祀竈日作元韻

秦承業

堯厨珍膳奉

康寧

中祀

虔修對越靈通庶人喧樂歲首從

深禁慶延齡設陞禮數依時舉增竈軍聲計日聽方
士致神嗤漢紀

宸章宣耀簡編青

恭和

御製初御皇極殿開千叟宴用乙巳年恭依

皇祖元韻元韻

阿桂

熙和泰宇淑光妍

東殿春融奉

玉筵耆宴霑榮欣再遇弱齡筮仕記初年元正

授鹽千祥肇精一

傳心五福延週甲

敬勤承

昊貺

丕基億載

繼仔肩

恭和

聖製初御皇極殿開千叟宴用乙巳年恭依

皇祖元韻元韻

董誥

壽世如春春俶妍

承

歡

皇極奉耆筵角亢宿值躋堂日堯舜元符

踐阼年

悠久統天誠不息

緝熙繼德福方延再逢明炳霞觴舉撰杖欣隨偃羨

肩

恭和

聖製初御皇極殿開千叟宴用乙巳年恭依

皇祖元韻元韻

吳省蘭

首祚新韶日倍妍

兩朝耆宴此初筵昌辰遞衍

黃軒筴吉亥同徵絳縣年

福範斂敷由典則

壽祺覃鬯式邀延千人積算增

洪算

合萬歡心孰比肩

恭和

聖製題文津閣元韻

周興岱

三集鴻文

五集詩百王治道六經詞津梁共仰

奎章逮書軌還從絕域馳玉簡牙籤

勤乙覽蘭臺石室陋前規塞垣咸沐

光華治福地瑯嬛更羨誰

恭和

聖製孟秋朔日作元韻

戴衢亨

高樹涼歸上塞陰沈寥天氣不成霖雲開岫頂青螺

三才圖會
卷之六
三
疊波靜潭心碧藻沉五日先秋占瑞莢三農有喜叶
穰金薦收御節西成近平秩由來

睿慮欽

恭和

聖製出麗正門觀稼作元韻

鐵保

六龍高擁麴塵過曉

出宮門閱晚禾山水清依

宸路近桑麻濃比寒雲多陌頭樹作迴風舞牛背童

賡扣角歌爲喜烝民安衽席嘻嘻作息不知佗

恭和

御製遊天成寺疊癸丑韻元韻

玉保

古寺天成悟上乘書雲卽此卜休徵奇松掛壁原無
著怪石凌空得未曾澄澈龍泉甘若醴峻嶒鶴骨瘦
於僧干霄窳堵何年建傑閣攀躋覽不勝

恭和

御製命部院臣工分賞五城順天府貧民棉衣詩誌

予意元韻

朱珪

授衣宵旦爲咨民雪節先知用意淳豈獨勸謀金粟
賜更看枕被曠暝親春回黍谷同鳴律復旱葭灰仰
體仁從此張弓砧杵罷

舜廷袞繡叶韶鈞

恭和

御製延薰山館元韻

萬承風

芳洲近自塞湖分路繞靈源草亦薰四面雲山圍罽

畫一簾花竹漾香紋窗臨秋水清無滓座列

奎章煥有文化治

虞絃歌解慍賡吟共仰

勅幾勤

恭和

御製敬題獅子園元韻

玉麟

天開福地構名園

三聖經營澤永存活碧濃青皆入畫林花澗草盡承

恩一峯突兀高難並列宿光芒近可捫

清蹕來臨繩

祖武隆儀特舉欵羣藩

恭和

御製含書齋小憩漫題元韻

玉麟

天然佳境恣幽探青到齋前勢欲含四面窗開光易入一番雨洗色尤酣平分草綠兼苔碧遠映朝霏與夕嵐秋景澄清塵不到

勅幾豈爲勝遊耽

恭和

御製出山海關作元韻

戴衢亨

倚山環海勢分明遶瀋咽喉指

舊京樓櫓當時空設險壺簞載路不知兵億年

昊眷凝東顧三輔巖壘拱北平共仰

翠華來日下榆關秋早曙風清

恭和

御製過大凌河元韻

戴衢亨

右屯新築界長河

天上龍驤早奮戈
納款軍前初踴躍
招降城下特延
俄勉承駕馭
勲猶爛
慚對偏禪玷
孰磨一自
宸章褒死事
疾風勁草闡揚多

恭和

御製萬樹園試馬元韻

戴衢亨

龍媒詎止大宛西
一駿何當厭萬蹄
小試

芳園初騁步寵邀

御控抑驕嘶風鬣雨鬣圖難肖月駟雲螭類可稽秋
獮上蘭行有日驚弦霹靂應奔駢

恭和

御製塞山大獵元韻

戴衢亨

千屯萬騎擁旄頭獮塞平臨八月秋大纛中權星野
闊周陟列陣旭烟浮

恩均藩衛循

前軌典滌梁鄒寄遠猷詎數長楊誇獻獲

頽禽日荷尙方稠

恭和

御製過青石梁元韻

戴衢亨

嶺翠重重磴道延石梁高跨溜痕穿人家隱約山坳
見馬足凌兢樹杪懸

蹕路層開千仞上詩情好在半峯顛卻慙駑蹇難馳
驟極目雲霄勉著鞭

恭和

御製登永佑寺舍利塔拈香瞻禮卽景成什元韻

戴衢亨

舍利莊嚴窳堵高躋攀未覺

聖躬勞

九天珠玉霏成屑四塞雲山快所遭寶相圓融

心印澈神工崛起腳根牢重重瓔珞環闌楯空色分

明入

御毫

恭和

御製度那木達巴漢卽景成長律二首元韻

戴衢亨

大嶺高寒聳百常更途西指鹿呦場九圍部署雲屯
白一徑坡陀草色黃潦淨深秋無積淖橋成詰旦轉
層岡近南候暖霜威減木葉蕭森未隕黃

颯颯涼颼初轉朔纖纖殘月尙懸西秋心迴入鵬心

緊樹色微分馬色齊獵路斜趨旌旆迤

蹕途俯視巖原低往還一道伊遜

平聲

水載筆頻將地

志稽

恭和

御製登烟雨樓卽事元韻

戴衢亨

非雨非烟湛沆寥樓陰耐可

駐蘭橈滄波夢與鴛湖會粉本摹來鹿塞迢一自嘉

名

天上錫頓移真境

筆端饒入窗洞啟千川印合湧蟾光上碧霄

恭和

御製出古北口作元韻

王保

甫過天門又鉅關車徒絡繹石崖間征駝趁曉沖雲
上朔雁先秋帶雨還城鎖烟巒丹嶂迴水連沙磧碧
波環承平久不分疆域牧馬斜陽塞外山

恭和

御製出古北口作元韻

萬承風

羽騎星陳曉度關殘垣斷續有無間三邊納款輸銀
甕九譯來庭獻玉環曲岸暗縈羅帶水晴霄高矗劍
鐙山屏藩拱衛金湯鞏

帝念猶懷撫馭艱

恭和

御製重陽日作元韻

文寧

天圍遼野宜秋迴地近榆關得勢高海氣蒼茫浮島

嶼山形起伏作波濤丹霞結綺承

芝蓋白露凝珠綴絮袍不爲黃華延

睿賞授衣風景在林臯

恭和

御製幸翰林院錫宴禮成復得長律二首命諸王及

分字諸臣和韻元韻

英和

賜詩遠勝會東堂

天步來臨儼見牆能屈

至尊賁

鑾輅愧無神伎奏班揚金卮酌酒叨

恩賚玉署延英聽樂章八凱八元同入座

重華協治緬

陶唐

傳禮傳詩溯昔年趨庭敦學日爲先三生有幸來芸
館十載何修掌集賢時奉

綸音金受範每親

聖域壁聞絃

君恩父訓

天同永浹髓淪肌筆莫宣

恭和

御製塞山晚望元韻

文寧

圍營面勢協陰陽傍麓依崖萬幕張
九塞規模開雁磧三秋景物近萸囊
側峯橫嶺浮蒼靄黃榼丹楓綯
素霜日夕氣澄天宇碧鴉翻殘照動林光

恭和

御製仲冬廿七日大雪詣

雍和宮拈香卽景成吟用蘇軾雪後書北臺壁二首
韻命諸臣和之元韻

戴衢亨

輦路花飛六出纖琳局玉宇望深嚴書占汜勝應宜
麥賦擬張融許道鹽滿挹清光瞻

黼座平添喜氣到茅檐空明一片連

瀛液不辨雲中白塔尖

影鬪寒蟾噤晚鴉珠塵作陣捲飈車飄裾競學迴旋
舞入座疑開頃刻花大地銀鋪千世界豐年玉貢萬
人家嘉平

錫福先書瑞佛力應難算洛義

恭和

御製駐蹕靜寄山莊延春堂元韻 黃 鉞

遠翠新含邇綠延峯峯插笏到簷前惠風和日怡沖
抱暖碧寒青契靜緣百里山光歸

一覽三盤雲氣現諸天

春巡紹述隨時凜

聖藻欽瞻永佛肩

恭和

御製登半天樓卽景元韻

周系英

凌空傑構俯神臯環揖諸峯氣象豪在宥故應憑視
遠

有臨端爲託身高崖邊霧散千村雨檻外風生萬壑

濤矯首重宵重仰止欣瞻六合溥

恩膏

恭和

御製停獮卽事元韻

周系英

舊典乘秋罷弗循非關諫獵上書人前禽那惜三驅
失解網全虛一面陳虎路未妨行潦積旃裘仍拜

湛恩新

皇心自與時消息爲逸爲勞總裕民

恭和

御製策馬由四面雲山至創得齋元韻

周系英

最高峯合

一人登直上青霄萬仞憎鞭外

俯看羣岫列眼空絕少片雲凝天開金碧圖千本秋
寫丹黃樹百層

幾暇娛情饒勝地幾回

吟賞曲欄憑

卷之三

三